



**«Ўсимликлар карантини тўғрисида»ги Ўзбекистон Республикаси
Конунига ўзгартиш ва қўшимчалар киритиш ҳақида**

Конунчилик палатаси томонидан 2018 йил 20 июнда
қабул қилинган
Сенат томонидан 2018 йил 28 июнда
маъқулланган

1-модда. Ўзбекистон Республикасининг 1995 йил 31 августда қабул
қилинган «Ўсимликлар карантини тўғрисида»ги 113-I-сонли Конунига
(Ўзбекистон Республикаси Олий Мажлисининг Ахборотномаси, 1995 йил,
№ 9, 188-модда; 1996 йил, № 9, 144-модда; 1997 йил, № 4-5, 126-модда;
Ўзбекистон Республикаси Олий Мажлиси палаталарининг Ахборотномаси,
2009 йил, № 12, 472-модда; 2014 йил, № 9, 244-модда) ўзгартиш ва
қўшимчалар киритилиб, унинг янги таҳрири тасдиқлансан (илова қилинади).

2-модда. Ўзбекистон Республикаси Вазирлар Маҳкамаси:
хукумат қарорларини ушбу Конунга мувофиқлаштиурсин;
давлат бошқаруви органлари ушбу Конунга зид бўлган ўз норматив-
хукукий хужжатларини қайта кўриб чиқишилари ва бекор қилишиларини
таъминласин;
ушбу Конуннинг ижросини, ижро чиларга етказилишини ҳамда
моҳияти ва аҳамияти аҳоли ўртасида тушунтирилишини таъминласин.

3-модда. Ушбу Конун расмий эълон қилинган кундан эътиборан
кучга киради.

Ўзбекистон Республикасининг
Президенти

Ш. Мирзиёев



Тошкент шаҳри,
2018 йил 9 июль
№ УРК-484



Ўсимликлар карантини тўғрисида (янги таҳрири)

1-боб. Умумий қоидалар

1-модда. Ушбу Қонуннинг мақсади

Ушбу Қонуннинг мақсади ўсимликлар карантини соҳасидаги муносабатларни тартибга солишдан иборат.

2-модда. Ўсимликлар карантини тўғрисидаги қонун ҳужжатлари

Ўсимликлар карантини тўғрисидаги қонун ҳужжатлари ушбу Қонун ва бошка қонун ҳужжатларидан иборатdir.

Агар Ўзбекистон Республикасининг халқаро шартномасида Ўзбекистон Республикасининг ўсимликлар карантини тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари кўлланилади.

3-модда. Асосий тушунчалар

Ушбу Қонунда қўйидаги асосий тушунчалар кўлланилади:

карантин остидаги маҳсулот – ўсимликлар карантини обьектларини ташувчилар бўлиши мумкин бўлган ўсимликлар, уларнинг қисмлари, экиш материаллари, қайта ишлаш маҳсулоти, бошқа маҳсулот ва юклар;

карантин рухсатномаси – карантин остидаги маҳсулотни белгиланган тартибда Ўзбекистон Республикаси худудига олиб киришга ёки унинг худудидан транзит тарзида олиб ўтишга рухсат берилганлигини тасдиқлайдиган, Ўзбекистон Республикаси Вазирлар Маҳкамаси ҳузуридаги Ўсимликлар карантини давлат инспекцияси томонидан берилган ҳужжат;

карантин чекловлари – карантин остидаги маҳсулотни Ўзбекистон Республикасига олиб киришни, Ўзбекистон Республикасидан олиб чиқишни, ташишни ва улардан фойдаланишни ўсимликлар карантини обьектлари тарқалишининг олдини олиш мақсадида муайян муддатга чекловчи фитосанитария тадбирлари;

ўсимликлар карантини – кишлөк хўжалигига ва бошқа ўсимликлар дунёсига заарар етказиши мумкин бўлган ўсимликлар карантини обьектлари кириб келишининг, тарқалишининг олдини олишга ҳамда бундай обьектларни бартараф этишга қаратилган тадбирлар мажмуи;

ўсимликлар карантини обьекти – дунёда карантин аҳамиятига эга бўлган, Ўзбекистон Республикаси худудида мавжуд бўлмаган ёки чекланган тарзда тарқалган заарарли организмлар;

ўсимликлар карантини обьектларини ташувчилар – ўсимликлар карантини обьектларининг тарқалишига имконият туғдириши мумкин бўлган транспорт воситалари, кишлөк хўжалиги машиналари, ерга ишлов бериш қуроллари, идишларнинг барча турлари, айрим саноат товарлари, қадоқлаш воситалари, шунингдек ўсимлик маҳсулотларидан тайёрланган буюмлар, яхлит тошлар, тупроқ намуналари ва (ёки) бошқа обьектлар;

фитосанитария сертификати – карантин остидаги маҳсулотда ўсимликлар карантини обьектлари мавжуд эмаслигини тасдиқловчи халқаро намуналадиги хужжат;

фумигация – ўсимликлар карантини обьектларини ва бошқа заарарли организмларни йўқ қилиш мақсадида уларни кимёвий воситаларнинг газлари билан заарарсизлантириш.

4-модда. Фитосанитария талаблари

Карантин остидаги маҳсулотга, уни олиб киришга, олиб чиқишига, ишлаб чиқаришга, қайта ишлашга, саклашга, ташишга, реализация қилишга ва йўқ қилишга доир талабларни белгилайдиган, давлат ва хўжалик бошқаруви органлари, юридик ва жисмоний шахслар томонидан бажарилиши шарт бўлган хужжатлар фитосанитария талабларидир.

Фитосанитария талаблари Ўзбекистон Республикаси Вазирлар Маҳкамаси хузуридаги Ўсимликлар карантини давлат инспекцияси (бундан буён матнда Ўсимликлар карантини давлат инспекцияси деб юритилади) томонидан тасдиқланади ва агар хужжатларнинг ўзида бошқа кечроқ муддат кўрсатилмаган бўлса, расмий эълон қилинган кундан эътиборан кучга киради.

2-боб. Ўсимликлар карантини соҳасини тартибга солиш

5-модда. Ўсимликлар карантини соҳасидаги давлат сиёсатининг асосий йўналишлари

Ўсимликлар карантини соҳасидаги давлат сиёсатининг асосий йўналишлари куйидагилардан иборат:

ўсимликлар карантини соҳасидаги тадбирларни ишлаб чиқиш ва амалга ошириш;

ўсимликлар карантини бўйича давлат назоратини амалга ошириш;

ташқи ва ички ўсимликлар карантини бўйича тадбирлар тизимини амалга ошириш;

ўсимликлар карантини соҳасида фитосанитар хавфсизликни таъминлаш;

ўсимликлар карантини соҳасида самарали мониторинг олиб бориш тизимини ишлаб чиқиш;

ўсимликлар карантини соҳасида халқаро ҳамкорликни ривожлантириш.

6-модда. Ўзбекистон Республикаси Вазирлар Маҳкамасининг ўсимликлар карантини соҳасидаги ваколатлари

Ўзбекистон Республикаси Вазирлар Маҳкамаси:

ўсимликлар карантини соҳасида ягона давлат сиёсати амалга оширилишини таъминлайди;

ўсимликлар карантини соҳасидаги давлат дастурларини тасдиқлайди ва уларнинг бажарилиши устидан назоратни амалга оширади;

давлат ва хўжалик бошқаруви органларининг ўсимликлар карантини соҳасидаги фаолиятини мувофиқлаштиради;

ўсимликлар карантини соҳасидаги хужжатларни, хусусан, карантин рухсатномасини, транспорт бирликларини очиш тўғрисидаги далолатномани, карантин кўргиши далолатномасини, фитосанитария сертификатини, ички фитосанитария сертификатини ва реэкспорт учун фитосанитария сертификатини бериш тартибини белгилайди;

ўсимликлар карантини соҳасида мониторингни амалга ошириш тартибини белгилайди;

Ўсимликлар карантини бош давлат инспекторининг тақдимномасига кўра Қорақалпоғистон Республикаси, вилоятлар ва Тошкент шаҳар худудларини ўсимликлар карантини остида деб эълон қиласи ҳамда зарур карантин чекловларини ўрнатади.

Ўзбекистон Республикаси Вазирлар Маҳкамаси қонун хужжатларига мувофиқ бошқа ваколатларни ҳам амалга ошириши мумкин.

7-модда. Маҳаллий давлат ҳокимияти органларининг ўсимликлар карантини соҳасидаги ваколатлари

Маҳаллий давлат ҳокимияти органлари:

ўсимликлар карантини соҳасидаги давлат дастурларини амалга оширишда иштирок этади;

ўсимликлар карантини соҳасидаги худудий дастурларни тасдиқлайди ва амалга оширади;

ўсимликлар карантини давлат инспекторларининг тақдимномаларига кўра тегишли худудларни ўсимликлар карантини остида деб эълон қиласи ва зарур карантин чекловларини ўрнатади;

ўсимликлар карантинига доир тадбирларни ўтказишида давлат ва хўжалик бошқаруви органларининг худудий бўлинмалари фаолиятини мувофиқлаштиради.

Маҳаллий давлат ҳокимияти органлари қонун хужжатларига мувофиқ бошқа ваколатларни ҳам амалга ошириши мумкин.

8-модда. Фуқаролар ўзини ўзи бошқариш органларининг, нодавлат нотижорат ташкилотларининг ва фуқароларнинг ўсимликлар карантинига доир тадбирларни ўтказишдаги иштироки

Фуқароларнинг ўзини ўзи бошқариш органлари:

ўсимликлар карантини соҳасидаги давлат дастурларини, худудий ва бошқа дастурларни амалга оширишда иштирок этади;

тегишли худудда ўсимликлар карантини соҳасида жамоатчилик назоратини амалга оширади;

тегишли худуд аҳолисини ўсимликлар карантини обьектлари тарқалганлиги тўғрисида хабардор қилишда ўсимликлар карантини давлат инспекторларига кўмаклашади.

Фуқароларнинг ўзини ўзи бошқариш органлари қонун хужжатларига мувофиқ бошқа тадбирларни ўтказишида ҳам иштирок этиши мумкин.

Нодавлат нотижорат ташкилотлари ва фуқаролар Ўзбекистон Республикаси худудини ўсимликлар карантини обьектларининг кириб келишидан ёки тарқалишидан ҳимоя қилишда (фитосанитар ҳавфсизлик) давлат органларига ва бошқа органларга зарур ёрдам кўрсатиши мумкин.

3-боб. Ўсимликлар карантини бўйича давлат хизмати тизими ва унга раҳбарлик қилиш

9-модда. Ўсимликлар карантини бўйича давлат хизмати тизими

Ўсимликлар карантини бўйича давлат хизмати тизимини:

Ўсимликлар карантини давлат инспекцияси;

Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари;

Ўсимликлар карантини илмий маркази;

автомобиль йўлларидағи, темир йўл станцияларидағи, аэропортлардаги, дарё портидағи ўсимликлар карантини чегара пунктлари ва почтамтдаги ўсимликлар карантини пункти ташкил этади.

Ўсимликлар карантини давлат инспекцияси Ўзбекистон Республикаси Вазирлар Маҳкамасига бўйсунади.

Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари Ўсимликлар карантини давлат инспекциясига, шунингдек тегишинча Қорақалпоғистон

Республикаси Вазирлар Кенгашига, вилоятлар ва Тошкент шаҳар ҳокимликларига бўйсунади.

Ўсимликлар карантини илмий маркази Ўсимликлар карантини давлат инспекциясига бўйсунади.

Туманлар ва шаҳарларнинг ўсимликлар карантини давлат инспекторлари, автомобиль йўлларидағи, темир йўл станцияларидағи, аэропортлардаги, дарё портидаги ўсимликлар карантини чегара пунктлари ва почтамтдаги ўсимликлар карантини пункти тегишинча юқори турувчи ўсимликлар карантини давлат инспекцияларига бўйсунади.

10-модда. Ўсимликлар карантини бўйича давлат хизматига раҳбарлик қилиш

Ўзбекистон Республикасининг ўсимликлар карантини бўйича давлат хизматига раҳбарликни Ўсимликлар карантини давлат инспекцияси амалга оширади.

Қорақалпоғистон Республикасида, вилоятларда ва Тошкент шаҳрида ўсимликлар карантини бўйича давлат хизматига раҳбарликни тегишинча Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари амалга оширади.

Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекцияларининг бошлиқлари Ўсимликлар карантини давлат инспекцияси томонидан тегишинча Қорақалпоғистон Республикаси Вазирлар Кенгашининг, вилоятлар ва Тошкент шаҳар ҳокимларининг тақдимномасига биноан лавозимга тайинланади ҳамда лавозимидан озод қилинади. Туманлар ва шаҳарларнинг ўсимликлар карантини давлат инспекторлари Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекцияси томонидан лавозимга тайинланади ҳамда лавозимидан озод қилинади.

Автомобиль йўлларидағи, темир йўл станцияларидағи, аэропортлардаги, дарё портидаги ўсимликлар карантини чегара пунктларидағи ва почтамтдаги ўсимликлар карантини пунктидаги ўсимликлар карантини бўйича давлат хизматига ўсимликлар карантини тегишли чегара пунктларининг Ўсимликлар карантини давлат инспекцияси томонидан лавозимга тайинланадиган ва лавозимидан озод қилинадиган мудирлари бошчилик қиласи.

11-модда. Ўсимликлар карантини давлат инспекциясининг ваколатлари

Ўсимликлар карантини давлат инспекцияси:

ўсимликлар карантини соҳасидаги давлат дастурларини, ҳудудий ва бошка дастурларни ишлаб чиқиш ҳамда амалга оширишда иштирок этади;

ўсимликлар карантини бўйича дастурлар ва тадбирларнинг ўз вақтида бажарилиши устидан давлат назоратини амалга оширади, бу дастурлар ва

тадбирларнинг Ўзбекистон Республикаси худудида ўз вактида бажарилиши учун жавобгар бўлади;

ўз ваколатлари доирасида юридик ва жисмоний шахслар томонидан бажарилиши шарт бўлган буйруқлар чиқаради, йўрикномаларни, ўсимликлар карантини коидаларини ва фитосанитария талабларини белгиланган тартибда тасдиқлайди ҳамда ташкилотлар ва аҳоли эътиборига етказади;

карантин остидаги маҳсулотни олиб кириш чоғидаги ўсимликлар карантини коидаларини белгилайди, халқаро савдо контрактларига (шартномаларига) Ўзбекистон Республикасининг худудига ўсимликлар карантини обьектлари кириб келишининг ва тарқалишининг олдини олишни таъминлайдиган талаблар киритилишини кўриб чиқади, шунингдек хуносалар беради;

Ўзбекистон Республикаси Вазирлар Маҳкамаси билан келишган холда Ўзбекистон Республикаси учун карантин аҳамиятига эга бўлган заарли организмлар рўйхатини тасдиқлайди;

Ўзбекистон Республикаси худудига олиб кирилиши тақиқланган экиш материаллари, карантин остидаги маҳсулотлар ва уларнинг тарқалиш худудлари рўйхатини тасдиқлайди;

Ўзбекистон Республикаси худудидан олиб чиқилиши тақиқланган карантин остидаги маҳсулотлар рўйхатини тасдиқлайди;

фитосанитария талабларини тасдиқлайди;

автомобиль йўлларидаги, темир йўл станцияларидаги, аэропортлардаги, дарё портидаги ўсимликлар карантини чегара пунктлари ва поштамтдаги ўсимликлар карантини пункти, шунингдек ўсимликлар карантини обьектларига қарши курашиш бўйича маҳсус фумигация бўлинмалари тўғрисидаги низомларни тасдиқлайди;

карантин рухсатномасини беради;

ўсимликлар карантини соҳасида халқаро хамкорликни амалга оширади, халқаро ташкилотларда ўсимликлар карантини бўйича Ўзбекистон Республикасининг манфаатларини ҳимоя қиласади;

ўсимликлар карантини обьектларига қарши курашиш бўйича маҳсус фумигация бўлинмаларини ташкил этади, ўсимликлар карантини обьектларига қарши кураш олиб бориша шахсий томорқа, фермер ва деҳқон хўжаликларига, ўрмон хўжаликларига, шунингдек бошқа юридик ва жисмоний шахсларга хизматлар кўрсатади;

экспортга жўнатилаётган ва хорижий мамлакатлардан Ўзбекистон Республикасига олиб кирилаётган карантин остидаги маҳсулотнинг ҳамда ўсимликлар карантини обьектларини ташувчиларнинг карантин текширувани ва лаборатория экспертизасини ўтказади;

Ўзбекистон Республикаси худудларини карантиндаги худудларга ва микрохудудларга бўлиб чиқади;

карантиндаги зааркунандаларга, ўсимликлар касалликларига ва бегона ўтларга қарши курашиш борасидаги илм-фан ютуқларини ва илгор тажрибани, инновацион услублар, воситалар ва усулларни тарғиб қилиш

ҳамда ишлаб чиқаришга кенг жорий этишга, ахоли ўртасида ўсимликлар карантини обьектлари тўғрисидаги билимларни тарқатишга доир ишларни ташкил этади;

тегишли худудда карантинни жорий этиш (бекор килиш) тўғрисида Ўзбекистон Республикаси Вазирлар Махкамасига, маҳаллий давлат ҳокимияти органларига тақдимномалар киритади;

Ўзбекистон Республикаси Вазирлар Махкамаси билан келишган ҳолда ўсимликлар карантини, карантин чекловларини қўллаш бўйича ҳар йилги дастурларни ҳамда тадбирлар режаларини тасдиқлади;

Ўзбекистон Республикаси учун карантин аҳамиятига эга бўлган заарли организмлар рўйхатини, Ўзбекистон Республикаси худудига олиб кирилиши тақиқланган экиш материаллари, карантин остидаги маҳсулотлар ва уларнинг тарқалиш худудлари рўйхатини, Ўзбекистон Республикаси худудидан олиб чиқилиши тақиқланган карантин остидаги маҳсулотлар рўйхатини кайта кўриб чиқиш юзасидан Ўзбекистон Республикаси Вазирлар Махкамасига таклифлар киритади.

Ўсимликлар карантини давлат инспекцияси қонун хужжатларига мувофиқ бошқа ваколатларни ҳам амалга ошириши мумкин.

12-модда. Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари

Қорақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари:

карантин остидаги маҳсулотни сақлаш, қайта ишлаш, реализация қилиш, қабул қилиш пунктлари жойлашган ерларни ва уларга туташ худудларни, қишлоқ хўжалигига мўлжалланган ерларни, ўрмон фондининг, муҳофаза этиладиган табиий худудларнинг ерларини ўсимликлар карантини обьектларини ўз вактида аниқлаш мақсадида назорат текширувларидан ўтказиши ташкил этади;

аниқланган заарланиш ўчоқларининг кенгайишига йўл кўймаслик ва уларни бартараф этиш, шунингдек ўсимликлар карантини обьектларини олиб кириш йўлларини аниқлаш ҳамда тўсиш бўйича шошилинч чоралар кўради;

фитосанитария сертификатини, ички фитосанитария сертификатини, реэкспорт учун фитосанитария сертификатини, транспорт бирликларини очиш тўғрисидаги далолатномани ва карантин кўриги далолатномасини беради;

Ўзбекистон Республикасига хорижий мамлакатлардан келадиган карантин остидаги маҳсулотни соғломлаштириш ва заарсизлантириш, шунингдек транспорт воситаларини заарсизлантириш устидан назоратни амалга оширади;

тегишли худудни ўсимликлар карантини остида деб эълон қилиш (карантинни бекор килиш), зарур карантин чекловларини қўллаш тўғрисида

Корақалпоғистон Республикаси Вазирлар Кенгашига, вилоятлар ва Тошкент шаҳар ҳокимликлари тақдимномалар юборади.

Корақалпоғистон Республикаси, вилоятлар ва Тошкент шаҳар ўсимликлар карантини давлат инспекциялари конун хужжатларига мувофиқ бошқа ваколатларни ҳам амалга ошириши мумкин.

13-модда. Ўсимликлар карантини илмий маркази

Ўсимликлар карантини бўйича давлат хизматининг илмий таъминотини Ўсимликлар карантини илмий маркази амалга оширади.

Ўсимликлар карантини илмий маркази ўсимликлар карантини обьектларининг биоэкологик хусусиятларини ва уларга қарши курашиш усулларини ўрганиш бўйича илмий тадқиқотлар олиб боради.

Ўсимликлар карантини илмий маркази ўсимликлар карантини обьектларига қарши курашиш соҳаси ходимларининг касбий билимлари ва малакаси оширилишини, ўсимликлар карантини обьектлари тўғрисидаги билимларнинг аҳоли ўртасида тарқатилишини таъминлайди.

14-модда. Ўзбекистон Республикаси Давлат чегарасидаги ўсимликлар карантини пунктлари

Ўзбекистон Республикасининг божхона худудига олиб кириладиган карантин остидаги маҳсулотни (шу жумладан транзит юкларни) текшириш ўсимликлар карантини давлат инспекторлари томонидан ўсимликлар карантини чегара пунктларида ўtkазилади.

Ўсимликлар карантини чегара пункти юзаси пунктида, ички худудлараро чегара пунктларида ташкил қилинади ҳамда Ўзбекистон Республикаси Давлат бюджети маблағлари ҳисобидан хоналар билан, текширувлар ўтказиш ва намуналар олиш, фитосанитария экспертизасини ва фумигация ишларини амалга ошириш учун воситалар, алоқа воситалари ва Интернет тармоғи билан таъминланади.

Ўсимликлар карантини давлат инспектори фитосанитария сертификатининг қалбакилигини, белгиланган талабларга мувофиқ эмаслигини аниқлаган ёки карантин остидаги маҳсулотларда ўсимликлар карантини обьектлари мавжудлиги тўғрисида шубҳа бўлган тақдирда, ушбу карантин остидаги маҳсулот ўсимликлар карантини тегишли чегара пунктида ушлаб турилади ва бу хақда Ўсимликлар карантини давлат инспекциясига хабар берилади.

15-модда. Ўсимликлар карантини давлат инспекторлари

Ўсимликлар карантини давлат инспекциясининг бошлиги Ўзбекистон Республикаси Ўсимликлар карантини бош давлат инспекторидир, унинг ўринбосарлари ва Ўсимликлар карантини илмий марказининг директори

Ўзбекистон Республикаси Ўсимликлар карантини бош давлат инспекторининг ўринбосарлариридир.

Корақалпоғистон Республикаси, вилоятлар ва Тошкент шаҳар ўсимликлар карантини давлат инспекцияларининг бошлиқлари Коракалпоғистон Республикаси, вилоятлар ва Тошкент шаҳар ўсимликлар карантини бош давлат инспекторлариридир.

Туманлар ва шаҳарлар ўсимликлар карантини давлат инспекторлари ўз фаолиятини тегишли худудда амалга оширади.

Ўсимликлар карантини давлат инспекциясининг, Коракалпоғистон Республикаси, вилоятлар ва Тошкент шаҳар ўсимликлар карантини давлат инспекцияларининг агрономлари, автомобиль йўлларидағи, темир йўл станцияларидаги, аэропортлардаги, дарё портидаги ўсимликлар карантини чегара пунктларининг, шунингдек почтамтдаги ўсимликлар карантини пунктининг мудирлари ва агрономлари, ўсимликлар карантини обьектларига карши курашиб бўйича маҳсус фумигация бўлинмаларининг бошлиқлари ва мутахассислари ўсимликлар карантини давлат инспекторлариридир.

16-модда. Ўсимликлар карантини давлат инспекторларининг хуқуқлари

Ўсимликлар карантини давлат инспекторлари ўз ваколатлари доирасида куйидагиларга ҳакли:

карантин остидаги маҳсулотни етиштириш, тайёрлаш, саклаш, ташиб, қайта ишлаш ҳамда реализация қилиш билан шуғулланувчи давлат ва хўжалик бошқаруви органларининг, юридик ва жисмоний шахсларнинг худудига монеликсиз киришга;

ўсимликлар карантини қоидалари ва фитосанитария талабларининг бузилишларини бартараф этиш ҳамда уларнинг олдини олиш бўйича бажарилиши мажбурий бўлган тақдимномалар киришга;

лаборатория текширувлари ва тегишли экспертиза ўтказиш учун карантин остидаги маҳсулотдан намуналар олишга;

ўсимликлар карантини обьектлари аниқланганда ўсимликлар карантини қоидаларига мувофиқ карантин чекловлари ўрнатишга, олиб кирилган карантин остидаги маҳсулотни ушлаб туришга, олиб қўйишга ёки кайтариб юборишга;

кириб келаётган ва жўнатилаётган, ушбу Қонуннинг 20-моддасига мувофиқ ўсимликлар карантинига доир тадбирлар татбиқ этиладиган юклар тўғрисида божхона органларидан, темир йўл станцияларининг, автовокзалларининг (автостанцияларининг), аэропортларининг, дарё портларининг (пристанларининг), почтамтларнинг, дехқон бозорларининг ва бошқа ташкилотларнинг маъмуриятларидан маълумотлар талаб қилишга;

зарур бўлган тақдирда карантин остидаги маҳсулотни кўздан кечириш ва заарсизлантириш ишларини амалга ошириш учун ёрдамчи ишчилар, хизмат хоналари ва ёрдамчи материаллар берилишини юкларнинг эгаларидан талаб қилишга.

Ўсимликлар карантини давлат инспекторлари қонун хужжатларига мувофиқ бошқа ҳуқуқларга ҳам эга бўлиши мумкин.

17-модда. Ўсимликлар карантини давлат инспекторларининг мажбуриятлари

Ўсимликлар карантини давлат инспекторлари:

ўсимликлар карантини объектларининг ўсимликлар карантини объектларидан холи бўлган ҳудудга кириб келишининг олдини олиш бўйича зарур чоралар кўриши;

ўсимликлар карантини объектларига ташхис қўйиш мақсадида лаборатория текширувлари ва бошқа текширувлар ўтказилишини ташкил этиши;

тегишли органлар ва ташкилотларни чегараолди ҳудудларда, қўшни давлатларда юзага келган карантин ҳолати тўғрисида хабардор килиши, ўсимликлар карантинига доир тадбирларни амалга ошириши ҳамда зарур тавсиялар бериши;

давлат ва хўжалик бошқаруви органларига, юридик ва жисмоний шахсларга зарур фитосанитария талабларини бажариш тўғрисида тақдимномалар юбориши;

ўсимликлар карантини қоидаларига номувофиқлик ва фитосанитария талаблари бузилганлиги фактлари аниқланганда темир йўл вагонларидан, кемалардан, самолётлардан ва бошқа транспорт воситаларидан фойдаланишга доир такиқ ўрнатиши шарт.

Ўсимликлар карантини давлат инспекторларининг зиммасида қонун хужжатларига мувофиқ бошқа мажбуриятлар ҳам бўлиши мумкин.

4-боб. Давлат ва хўжалик бошқаруви органларининг, юридик ва жисмоний шахсларнинг ўсимликлар карантини соҳасидаги ҳуқуқ ва мажбуриятлари

18-модда. Давлат ва хўжалик бошқаруви органларининг, юридик ва жисмоний шахсларнинг ўсимликлар карантини соҳасидаги ҳуқуқлари

Карантин остидаги маҳсулотни етиштириш, тайёрлаш, саклаш, ташиш, қайта ишлаш ҳамда реализация қилиш билан шуғулланувчи давлат ва хўжалик бошқаруви органлари, юридик ва жисмоний шахслар куйидаги ҳуқуқларга эга:

зарур ҳолларда, ўсимликлар карантини бўйича давлат хизмати вакиллари билан биргаликда ўсимликлар карантини қоидалари ва фитосанитария талаблари сўзсиз бажарилишини таъминловчи тадбирлар мажмуини ишлаб чиқиши;

ўсимликлар карантини объектларини аниқлаш учун ўсимликлар карантини бўйича давлат хизматидан карантин остидаги маҳсулотни саклаш, қайта ишлаш, реализация қилиш ва қабул қилиш пунктлари жойлашган ерларни, уларга туташ ҳудудларни, қишлоқ хўжалигига

мүлжалланган ерларни, ўрмон фонди ва муҳофаза этиладиган табиий худудларнинг ерларини назорат текширувларидан ўтказишни талаб килиш;

ўсимликлар карантини обьектлари тўлиқ йўқ қилинганидан кейин ўсимликлар карантини бўйича давлат хизматига ва маҳаллий давлат ҳокимияти органларига карантин чекловларини бекор килиш бўйича таклифлар киритиш.

Карантин остидаги маҳсулотни етиштириш, тайёрлаш, саклаш, ташиб, қайта ишлаш ҳамда реализация қилиш билан шуғулланувчи давлат ва хўжалик бошқаруви органлари, юридик ва жисмоний шахслар конун хужжатларига мувофиқ бошқа хуқуқларга ҳам эга бўлиши мумкин.

19-модда. Давлат ва хўжалик бошқаруви органларининг, юридик ва жисмоний шахсларнинг ўсимликлар карантини соҳасидаги мажбуриятлари

Карантин остидаги маҳсулотни етиштириш, тайёрлаш, саклаш, ташиб, қайта ишлаш ҳамда реализация қилиш билан шуғулланувчи давлат ва хўжалик бошқаруви органлари, юридик ва жисмоний шахслар:

ўсимликлар карантини бўйича давлат хизмати назорати остида текширишга (кўздан кечиришга) ва ўсимликлар карантини обьектларига қарши қурашишга доир ишларни, шунингдек ушбу карантин обьектлари тарқалишининг олдини олишга доир тадбирларни амалга ошириши;

белгиланган тартибда карантин рухсатномаси ва (ёки) ички фитосанитария сертификати олинмаган карантин остидаги маҳсулотни қабул қиласлиги;

хорижий мамлакатлардан ва Ўзбекистон Республикасининг ўсимликлар карантини остида деб эълон қилинган худудларидан карантин остидаги маҳсулотни олиб киришда ўсимликлар карантини қоидаларига риоя қилиши;

тегишли юклар сақланадиган омборхоналарда ҳар йили камида бир марта профилактик фумигация ишларини белгиланган тартибда амалга ошириши шарт.

Карантин остидаги маҳсулотни етиштириш, тайёрлаш, саклаш, ташиб, қайта ишлаш ҳамда реализация қилиш билан шуғулланувчи давлат ва хўжалик бошқаруви органлари, юридик ва жисмоний шахслар зиммасида конун хужжатларига мувофиқ бошқа мажбуриятлар ҳам бўлиши мумкин.

Қишлоқ хўжалиги ўсимликлари, доривор ўсимликлар, дараҳт ва буталар етиштириш, ўсимликларнинг янги навлари селекцияси билан шуғулланувчи юридик ва жисмоний шахслар ўсимликлар карантини обьектларини ўз вақтида аниқлаш мақсадида экинлар ва дараҳтларни тизимли равишда кузатиб боришни амалга ошириши, улар аниқланган тақдирда эса бу ҳақда маҳаллий давлат ҳокимияти органларини, ўсимликлар карантини бўйича давлат хизматини дарҳол хабардор қилиши, шунингдек аниқланган ўсимликлар карантини обьектларини бартараф этиш бўйича чоралар кўриши шарт.

5-боб. Ўсимликлар карантинига доир тадбирлар ва уларни амалга ошириш

20-модда. Ўсимликлар карантинига доир тадбирлар

Ўсимликлар карантинига доир тадбирларнинг мақсади ўсимликлар карантини объектларининг хорижий мамлакатлардан, шунингдек Ўзбекистон Республикасининг ўсимликлар карантини объектлари тарқалган худудидан Ўзбекистон Республикасининг ўсимликлар карантини объектларидан холи бўлган худудларига кириб келиши натижасида зарар етказилиши хавфининг олдини олиш, уни чеклаш ва бартараф этишдан иборат.

Ўсимликлар карантинига доир тадбирлар:

табиий шароитлардаги мавжуд ўсимлик дунёсига, қишлоқ хўжалигига, ўрмонларга, доривор, манзарали ўсимликларга, шу жумладан уларнинг уруғлари, кўчатлари ва қисмларига (қаламчаси, пиёзи, тугунаги, мевасига ва бошқаларга), шунингдек ўсимликлар карантини объектларини ташувчи бўлиши мумкин бўлган бошқа ўсимлик маҳсулотига;

тирик замбуруғларга, бактериялар, вируслар, нематодалар, каналар, ҳашаротларга;

ҳашаротларнинг, ўсимликлар касалликларини қўзғатувчиларнинг коллекцияларига ва улар етказадиган заарларнинг намуналарига, шунингдек гербарийларга ва уруғларнинг коллекцияларига;

хорижий мамлакатлардан ва Ўзбекистон Республикасининг ўсимликлар карантини остида деб эълон қилинган худудларидан кириб келаётган ўсимликларга, қишлоқ хўжалиги машиналарига, ерга ишлов бериш қуролларига, идишларнинг барча турларига, айrim саноат товарларига, қадоқлаш воситаларига, шунингдек ўсимлик материалларидан тайёрланган буюмларга, яхлит тошларга, тупроқ намуналарига, транспорт воситаларига ҳамда бошқа ўсимликлар карантини объектларини ташувчиларга;

ўсимлик маҳсулотини етиширадиган, тайёрлайдиган, ғамлайдиган, қайта ишлайдиган ҳамда реализация қиласидиган корхоналар ва ташкилотларнинг худудлари ва биноларига, қишлоқ хўжалигига мўлжалланган ерларга ва ўрмон фонди ерларига, юридик ва жисмоний шахсларнинг ер участкаларига, шунингдек қишлоқ хўжалиги мақсадларида фойдаланилмайдиган ерларга (йўлларга, электр ўтказгичлар атрофидаги ерларга ва бошқаларга) ҳамда давлатнинг чегараолди худудларига нисбатан татбиқ этилади.

21-модда. Карантин ўрнатиш ва уни бекор қилиш тартиби

Ўсимликлар карантини объектлари аниқланган ҳолларда туман (шаҳар) ўсимликлар карантини давлат инспекторининг тақдимномасига кўра маҳаллий давлат ҳокимияти органларининг қарорлари билан фермер

ва деҳқон хўжаликларининг, ўрмон хўжаликларининг ҳамда бошқа юридик ва жисмоний шахсларнинг ер участкалари, темир йўл станциялари, аэропортлар, дарё портлари, шахарчалар, посёлкалар, қишлоқлар, овуллар, шунингдек уларга туташ худудлар ўсимликлар карантини остида деб эълон килинади ёки уларда зарур карантин чекловлари ўрнатилади.

Туманлар ва шаҳарларни ўсимликлар карантини остида деб эълон килиш ёки карантин чекловларини ўрнатиш тегишли ўсимликлар карантини бош давлат инспекторларининг тақдимномасига кўра Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимларининг қарорлари билан амалга оширилади.

Қорақалпоғистон Республикасининг, вилоятларнинг ва Тошкент шаҳрининг худудларини ўсимликлар карантини остида деб эълон қилиш ёки карантин чекловини ўрнатиш Ўзбекистон Республикаси Ўсимликлар карантини бош давлат инспекторининг тақдимномасига кўра Ўзбекистон Республикаси Вазирлар Маҳкамасининг қарори билан амалга оширилади.

Ўсимликлар карантини остида деб эълон қилинган худудда ўсимликлар карантини ўчоғининг тарқалишига йўл қўйилмайди, унга туташ худудларда ўсимликлар карантини объектлари тарқалишининг олдини олишга ва уларни йўқ қилишга қаратилган ўсимликлар карантинига доир тадбирлар ўtkaziladi.

Карантин остидаги маҳсулотни карантин чекловлари ўрнатилган худудлардан олиб чиқиш ва улардан фойдаланиш шартлари ўсимликлар карантини қоидалари ва фитосанитария талаблари асосида амалга оширилади, бундан заарланган маҳсулот мустасно.

Заарланган маҳсулотдан фойдаланиш шартлари ўсимликлар карантини қоидаларига мувофиқ ўсимликлар карантини давлат инспекторлари томонидан белгиланади.

Худудда ўрнатилган карантин чекловлари ўсимликлар карантини бўйича зарур тадбирлар ўtkazilgанидан ва ўсимликлар карантини объектлари тўлиқ йўқ қилинганидан кейин, тегишли ўсимликлар карантини бош давлат инспекторларининг тақдимномаларига кўра чекловлар ўрнатган Қорақалпоғистон Республикаси Вазирлар Кенгашининг, вилоятлар ва Тошкент шаҳар ҳокимларининг қарорлари билан ёки Ўзбекистон Республикаси Ўсимликлар карантини бош давлат инспекторининг тақдимномасига кўра Ўзбекистон Республикаси Вазирлар Маҳкамасининг қарори билан бекор қилинади.

22-модда. Фитосанитар дала назорати ва уни ташкил этиш

Фитосанитар дала назорати ўсимликларнинг ва ўсимлик маҳсулотининг фитосанитар тозалигини таъминлаш, уларда ўсимликлар карантини объектларининг мавжудлигини ёки мавжуд эмаслигини аниқлаш мақсадида амалга оширилади.

Фитосанитар дала назорати ўсимликлар карантини давлат инспекторлари томонидан амалга оширилади.

Фитосанитар дала назорати ўтказилганидан кейин далолатнома тузилади ва амалга оширилиши зарур бўлган тадбирлар белгиланади.

23-модда. Ўсимликлар карантини соҳасидаги лаборатория текширувлари

Ўсимликлар карантини соҳасидаги лаборатория текширувлари карантин остидаги маҳсулотнинг қисмларини ва (ёки) намуналарини улар заарланганлигини ёки заарланмаганлигини, уларда ўсимликлар карантини объектлари мавжудлигини ёки мавжуд эмаслигини аниқлаш мақсадида ўтказиладиган тадқиқотлардан иборат ва бу тадқиқотлар қонун хужжатларига мувофиқ аккредитация қилинган лабораторияларда ўтказилади.

Ўсимликлар карантини соҳасидаги лаборатория текширувлари:

карантин остидаги маҳсулотнинг ўсимликлар карантини қоидаларига ҳамда фитосанитария талабларига мувофиқлигини аниқлаш;

Ўзбекистон Республикаси худудида ўсимликлар карантини соҳасида мониторинг олиб бориш;

фитосанитар хавфни таҳлил қилиш;

фитосанитария сертификатини бериш;

карантин рухсатномасини бериш;

илмий изланишларни амалга ошириш мақсадида ўтказилади.

Ўсимликлар карантини соҳасидаги лаборатория текширувлари қонун хужжатларига мувофиқ бошқа мақсадларда ҳам амалга оширилиши мумкин.

24-модда. Карантин остидаги маҳсулотнинг фумигацияси

Карантин остидаги маҳсулот олиб кирилаётганда, Ўзбекистон Республикаси худудида ташилаётганда, олиб чиқилаётганда транспорт воситаларидаги ва бўш омборлардаги фумигация ишлари факат ўсимликлар карантини объектларига қарши курашиш бўйича маҳсус фумигация бўлинмалари томонидан амалга оширилиб, уларнинг якуни бўйича зарарсизлантириш тўғрисидаги далолатнома расмийлаштирилади.

25-модда. Ўсимликлар карантини соҳасида мониторинг юритиш

Ўзбекистон Республикаси худудида ўсимликлар карантини соҳасида мониторинг юритиш ўсимликлар карантини объектларини аниқлаш, кузатиш, таҳлил қилиш, баҳолаш ва уларнинг тарқалишини прогноз қилиш тизимидан иборатdir.

Ўсимликлар карантини соҳасидаги мониторинг:

ўсимликлар карантини объектларининг Ўзбекистон Республикаси худудига кириб келишига, тарқалишига ҳамда биоэкологик хусусиятларга таъсир кўрсатишига кўмаклашувчи омилларни аниқлаш ва баҳолаш;

ўсимликлар карантини объектларининг Ўзбекистон Республикаси худудига кириб келиш йўлларини ва тарқалган худудларни аниқлаш;

ўсимликлар карантини объектлари ўчокларини аниқлаш;

ўсимликлар карантини объектларига қарши курашиш учун зарур чора-тадбирларни ишлаб чикиш;

фитосанитар хавфни аниқлаш ва таҳлил қилиш максадида амалга оширилади.

Ўсимликлар карантини соҳасидаги мониторинг Ўзбекистон Республикаси Вазирлар Маҳкамаси белгилаган тартибда ўсимликлар карантини бўйича давлат хизмати томонидан амалга оширилади.

6-боб. Ўсимликлар карантини соҳасидаги ахборотнинг очиқлиги

26-модда. Ахборотдан фойдаланиш

Ўсимликлар карантини соҳасидаги норматив-хукукий хужжатлар, техник жиҳатдан тартибга солишга оид норматив хужжатлар, шу жумладан фитосанитария талаблари, шунингдек карантин остидаги худудлар, ўсимликлар карантини бўйича давлат хизмати томонидан амалга оширилаётган тадбирлар тўғрисидаги маълумотлар ҳамда ўсимликлар карантини соҳасидаги бошқа ахборот оммавий ахборот воситаларида ва Ўсимликлар карантини давлат инспекциясининг расмий веб-сайтида эълон қилинади.

27-модда. Ўзбекистон Республикаси худудининг фитосанитар ҳолати тўғрисидаги миллий маъруза

Ўсимликлар карантини давлат инспекцияси Ўзбекистон Республикаси худудининг фитосанитар ҳолати тўғрисидаги миллий маърузани тайёрлайди ва Ўзбекистон Республикаси Вазирлар Маҳкамасига тақдим этади.

Ўзбекистон Республикаси худудининг фитосанитар ҳолати тўғрисидаги миллий маъруза ҳақидаги ахборот Ўзбекистон Республикаси Вазирлар Маҳкамаси билан келишилган ҳолда Ўсимликлар карантини давлат инспекциясининг расмий веб-сайтида эълон қилиниши лозим.

7-боб. Карантин остидаги маҳсулотни олиб кириш ва олиб чиқиш

28-модда. Олиб кирилаётган, олиб чиқилаётган ва транзит тарзида олиб ўтилаётган карантин остидаги маҳсулотга нисбатан талаблар

Олиб кирилаётган, олиб чиқилаётган ва транзит тарзида олиб ўтилаётган карантин остидаги маҳсулот ўсимликлар карантини

объектларидан холи бўлиши ҳамда унинг ҳар бир туркуми фитосанитария сертификатларининг асл нусхалари билан таъминланган бўлиши керак.

Карантин остидаги маҳсулот олиб кирилаётганда, олиб чиқилаётганда ва транзит тарзида олиб ўтилаётганда ўсимликлар карантини қоидалари ҳамда фитосанитария талабларига риоя қилиниши керак.

29-модда. Карантин остидаги маҳсулотни олиб кириш

Карантин остидаги маҳсулотни олиб киришга карантин рухсатномаси, экспорт қилувчи мамлакатнинг ўсимликлар карантини ва уларни ҳимоя қилиш бўйича давлат органлари томонидан бериладиган фитосанитария сертификати ёки гувохномаси мавжуд бўлган тақдирда йўл кўйилади.

Ўсимликлар карантини ва уларни ҳимоя қилиш бўйича давлат органларига эга бўлмаган хорижий мамлакатлардан карантин остидаги маҳсулотни олиб киришга Ўсимликлар карантини давлат инспекцияси томонидан карантин остидаги маҳсулотнинг ҳар бир туркумiga алоҳида алоҳида бериладиган карантин рухсатномаси мавжуд бўлган тақдирда йўл кўйилади.

Давлат ва хўжалик бошқаруви органлари, юридик ва жисмоний шахслар карантин остидаги маҳсулотни олиб киришда:

карантин остидаги маҳсулотни Ўзбекистон Республикасига етказиб беришга ёки унинг худудидан транзит тарзида олиб ўтишга доир савдо шартномаларига (контрактларига) ўсимликлар карантини объектларининг Ўзбекистон Республикаси худудига кириб келишининг олдини олишини таъминлайдиган фитосанитария талабларини киритиши;

хорижий мамлакатлардан карантин остидаги маҳсулотни харид қилиш чоғида, зарур бўлган тақдирда, бу мамлакатлардаги карантин остидаги маҳсулотнинг фитосанитар ҳолатини ўрганиш учун ўсимликлар карантини бўйича мутахассисларни юборишни назарда тутиши шарт.

Олиб кирилаётган карантин остидаги маҳсулот ўсимликлар карантини чегара пунктларида ўсимликлар карантини давлат инспекторлари томонидан мажбурий текширувдан ўтказилиши лозим.

Карантин остидаги маҳсулотни олиб кириш амалга ошириладиган ўсимликлар карантини чегара пунктлари Ўсимликлар карантини давлат инспекцияси томонидан белгиланади.

Қўшни давлатлардан ўсимликлар карантини объектларининг Ўзбекистон Республикаси худудига кириб келиши ва тарқалиши таҳди迪 юзага келган тақдирда, ваколатли органларнинг қарорига кўра хавф туғдирувчи участкалардаги чегара вақтинча ёпиб қўйилади.

Ўсимликлар карантини объектлари аниқланган карантин остидаги маҳсулотни олиб кириш тақиқланади, бундан уларнинг илмий мақсадларда олиб кирилаётган намуналари мустасно.

Уруғликларни ва экиш материалларини хорижий мамлакатлардан Ўзбекистон Республикасида яшовчи фуқароларга почта жўнатмаларида

юбориш, шунингдек юк билан олиб ўтиш тақиқланади. Ўсимликлар карантини объектлари билан заарланмаган айрим меваларни, янги ҳўл мева ва сабзавотларни йўловчиларнинг қўл юкида ўтказишга ўсимликлар карантини давлат инспектори томонидан рухсат берилади. Алоҳида кимматга эга бўлган уруғлар, ўсимликлар ёки экиш материаллари илмий-тадқиқот муассасаларининг манзилига йўлланган тақдирда, улар ўсимликлар карантини давлат инспекторининг холосасига кўра интродукция карантин кўчатхонасига текшириш учун юборилиши керак.

Ўзбекистон Республикасида аккредитация қилинган дипломатик ваколатхоналар, консуллик муассасалари ва савдо ваколатхоналари томонидан карантин остидаги маҳсулотни хорижий мамлакатлардан Ўзбекистон Республикасига юк билан олиб кириш ва поча орқали жўнатиш, мамлакат ичида ташиш ҳамда ундан фойдаланиш ўсимликлар карантини қоидаларига мувофиқ амалга оширилади.

Олиб кирилган карантин остидаги маҳсулотда ўсимликлар карантини объектлари аниқланган тақдирда, улар белгиланган тартибда бир сутка ичида мажбурий фумигация қилинади ёки бошқа усуллар билан заарсизлантирилади, бегона ўтлардан тозаланади, яширин заарланишларни аниқлаш ва соғломлаштириш мақсадида оранжереяларга ва карантин кўчатхоналарига ўсимликлар карантини қоидаларига мувофиқ экилади. Бу ўсимлик материалига техник жиҳатдан ишлов берилади ёки улардан ҳудуди ўсимликлар карантини объектлари тарқалиши хавфидан холи бўлган туманларда фойдаланилади. Яширин заарланишни аниқлаш алоҳида ҳолларда лаборатория текшируви асосида амалга оширилиши мумкин.

Олиб кирилган карантин остидаги маҳсулотни заарсизлантириш билан боғлиқ барча харажатлар, шу жумладан ишчи кучидан, транспортдан, хоналардан ва ёрдамчи материаллардан фойдаланиш тегишли юкни оловчилар ёки карантин остидаги маҳсулотни жўнатувчилар хисобидан амалга оширилади.

Карантин остидаги маҳсулот мавжуд бўлган транзит юклар ўсимликлар карантини бўйича давлат хизмати томонидан мажбурий текширувдан ўтказилиши лозим. Ўсимликлар карантини объектлари аниқланган тақдирда, мазкур юклар ушлаб турилиши, заарсизлантирилиши ёки уни экспорт килган мамлакатга қайтариб юборилиши керак.

30-модда. Карантин остидаги маҳсулотни олиб чиқиши

Ўзбекистон Республикасидан олиб чиқилаётган карантин остидаги маҳсулот ўсимликлар карантини қоидаларига, фитосанитария талабларига, шунингдек Ўзбекистон Республикасининг ўсимликлар карантини соҳасидаги халқаро шартномалари қоидаларига мувофиқ бўлиши ҳамда Ўзбекистон Республикаси ҳудудидан олиб чиқилиши тақиқланган карантин остидаги маҳсулотлар рўйхатига киритилмаган бўлиши керак.

Карантин остидаги маҳсулотнинг ҳар бир туркумига белгиланган намунадан фитосанитария сертификати илова қилинган бўлиши керак.

Карантин остидаги маҳсулотни экспорт қилиш билан шуғулланувчи юридик ва жисмоний шахслар, тегишли ўсимликлар карантини давлат инспекциясини карантин остидаги маҳсулотни юклаб жўнатиш санаси тўғрисида камида ўн кун олдин хабардор қилиши, маҳсулотни юклаб жўнатиш учун мақбул бўлган жойни улар билан биргаликда белгилаши, юклаб жўнатиш санасидан уч кун олдин экспорт қилинаётган маҳсулотни текшириш учун тақдим этиши шарт.

8-боб. Якунловчи қоидалар

31-модда. Ўсимликлар карантини соҳасидаги халқаро ҳамкорлик

Ўсимликлар карантини соҳасидаги халқаро ҳамкорлик Ўзбекистон Республикасининг халқаро шартномаларига ва қонун хужжатларига мувофиқ амалга оширилади.

32-модда. Ўсимликлар карантини бўйича давлат хизмати тизимини молиялаштириш

Ўсимликлар карантини бўйича давлат хизмати тизими Ўзбекистон Республикасининг Давлат бюджети маблағлари ва қонун хужжатларида тақиқланмаган бошқа манбалар ҳисобидан молиялаштирилади.

Ўсимликлар карантини обьектларига қарши курашиш бўйича маҳсус фумигация бўлинмалари заарсизлантириш бўйича бажарилган ишлардан олинган тушумлар ҳисобидан тўлиқ ўзини ўзи молиялаштириш асосида ўз фаолиятини амалга оширади.

Ўсимликлар карантини обьектларига қарши курашиш ва фитосанитар хавфсизликни таъминлаш учун ҳар йили Ўзбекистон Республикасининг Давлат бюджетидан маблағлар ажратилади.

Ўсимликлар карантини соҳасида кўрсатиладиган пуллик хизматлардан олинган даромадлар ўсимликлар карантини бўйича давлат хизмати тизими ходимларини рағбатлантиришга, ўсимликлар карантини давлат инспекцияларининг моддий-техника базасини ривожлантиришга ҳамда уларнинг фаолияти билан боғлиқ бўлган бошқа харажатларнинг ўрнини қоплашга сарфланади.

Ўсимликлар карантини бўйича давлат хизматининг олиб кирилаётган, олиб чиқилаётган ва транзит тарзида олиб ўтилаётган карантин остидаги маҳсулотни текшириш ҳамда кўздан кечириш, шунингдек зарур хужжатларни расмийлаштириш билан боғлиқ барча харажатларининг ўрни тегишли юридик ва жисмоний шахслар маблағлари ҳисобидан қопланади.

33-модда. Низоларни ҳал этиш

Ўсимликлар карантини соҳасидаги низолар қонун ҳужжатларида белгиланган тартибда ҳал этилади.

34-модда. Ўсимликлар карантини тўғрисидаги қонун ҳужжатларини бузганлик учун жавобгарлик

Ўсимликлар карантини тўғрисидаги қонун ҳужжатларини бузганликда айбдор шахслар белгиланган тартибда жавобгар бўлади.

